

【智斷二德】

（科註第三四二頁第四行第110-111集 2013年1月6-7日）

《三藏法數》「二德」條：〔出觀音玄義〕

二德者，在眾生因心所具，則名緣了二因，在諸佛果上所顯，則成智斷二德。

蓋了因顯則成智德，緣因顯則成斷德故也。（了因，了即照了。謂以智慧照了法性之理，如燈照物，了了可見，是名了因。緣因，緣者緣助，謂一切之功德善根，資助了因，開發正因之性，故曰緣因）

一、智德：智即智慧，謂照了一切諸法，通達無礙，隨眾生機器大小，各各為其演說，無有差謬，是名智德。

二、斷德：斷即斷除，謂斷惑業淨盡，隨所調伏眾生之處，惡不能染，縱任自在，無有累縛，是名斷德。

【世間】

（科註第三四二頁第五行 第111集 2013年1月7日）

《佛學大辭典》：（術語）世為遷流之義，破壞之義，覆真之義。間為中之義。墮於世中之事物，謂之世間。

又間隔之義，世之事物，個個間隔而為界畔，謂之世間，即與所謂世界相同。

大要有二種：一有情世間，謂有生者。二器世間，國土也。楞嚴經四曰：「世為遷流。」

唯識述記一本曰：「言世間者可毀壞故，有對治故，隱真理故，名之為世，墮世中故名為世間。」

註維摩經不二品：「什曰：世間三界也。」

【有為】（科註第三四二頁第七行 第111集 2013年1月7日）

《佛學大辭典》：（術語）為者造作之義，有造作，謂之有為。即因緣所生之事物，盡有為也。能生之因緣，是造作所生之事物者，所生之事物，必有此因緣之造作，故云有為法。本來自爾而非因緣所生者，謂之無為法。故有為者如言有因緣。

【無為】

（科註第三四三頁第二行 第111-112集 2013年1月7日）

《佛學大辭典》：（術語）為者造作之義，無因緣造作，曰無為，又無生住異滅四相之造作曰無為，即真理之異名也。

此無為法有三種六種之別，三無為中之擇滅無為，六無為中之真如無為，是正為聖智所證之真理。曰涅槃，曰法性，曰實相，曰法界，皆無為之異名也。（中略）

大乘義章二曰：「釋有二：一對法外四相以釋，色心等法為彼法外四相所為，虛空等三不同彼故，名曰無為。二對法體四相以釋，色心等法一切皆有初生次住終異後滅前後集起，評之曰為，虛空等三無彼為故，名曰無為。」